



dr. Senad Softić
Guverner

Broj: 150-15-4-1438- 6 /22 MM
Sarajevo, 27.07- 2022. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine i broj: UV-104-01-1-1425-15/21 od 29.06.2021. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

ODLUKU

o izboru najpovoljnijeg ponuđača u postupku javne nabavke usluga – dezinfekcije, dezinsekcije i deratizacije prostorija

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga – dezinfekcije, dezinsekcije i deratizacije prostorija, putem konkurentskog zahtjeva za dostavu ponuda, dodjeljuje ponuđaču SANI - TOX d.o.o. Sarajevo, na period od jedne godine, u svemu prema Ponudi broj: 38/22 od 07.07.2022. godine.

Član 2.

Ponuda ponuđača iz člana 1. ove odluke, nakon održane e-aukcije, glasi na iznos od:

1.200,00 KM bez uračunatog PDV-a
(slovima: hiljadudvijestotine konvertibilnih maraka i 00/100)

odnosno

1.404,00 KM sa uračunatim PDV-om
(slovima: hiljadučetiristotinečetiri konvertibilnih maraka i 00/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

Član 4.

Za realizaciju ove odluke zadužuju se Odjeljenje za zajedničke poslove, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.



Član 5.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga – dezinfekcije, dezinfekcije i deratizacije prostorija, pokrenut je Odlukom o pokretanju postupka, broj: 150-15-4-1438-2/22 ŽB od 01.07.2022. godine. U skladu s tim, Centralna banka je 06.07.2022. godine na portalu Javnih nabavki objavila Obavještenje o nabavci broj: 1370-7-2-319-3-185/22, te uputila Poziv za preuzimanje Tenderske dokumentacije putem konkuretskog zahtjeva sljedećim ponuđačima:

- a) SANI – TOX d.o.o.,
- b) DERATIZER d.o.o.,
- c) SANACIJA 3D d.o.o.

U roku određenom za prijem ponuda, odnosno do 18.07.2022. godine blagovremeno je dostavljeno devet ponuda sljedećih ponuđača:

- SANI-TOX d.o.o.,
- DEZINSEKCIJA BIJELJINA d.o.o.,
- VEGA –MIX SANITACIJA d.o.o.,
- DESINFECTA d.o.o.,
- DERATIZER d.o.o.,
- IDS-ZDRAVA SREDINA d.o.o.,
- KRISTAL d.o.o.,
- SANACIJA 3D d.o.o.,
- EKO TIM d.o.o.

Komisija za provođenje postupka javne nabavke je izvršila pregled i ocjenu ponuda i konstatovala da dvije dostavljene ponude ne ispunjavaju uslove utvrđene u tenderskoj dokumentaciji.

Ponuda ponuđača Kristal d.o.o. se odbacuje, jer je nepotpuna i ne ispunjava zahtjeve iz tenderske dokumentacije, u skladu sa članom 68. stav (4) alineja i) Zakona o javnim nabavkama.

Naime, ponuđač je na strani ponude numerisane brojem 2, dostavio PRILOG I - OBRAZAC ZA DOSTAVLJANJE PONUDE. Navedeni obrazac ponuđač nije u potpunosti popunio, jer nije popunjena tablica u donjem dijelu u kojoj je trebalo navesti „cijenu ponude“.


Ponuda ponuđača EKO TIM d.o.o se odbacuje, jer je nepotpuna i ne ispunjava zahtjeve iz tenderske dokumentacije, u skladu sa članom 68. stav (4) alineja i) Zakona o javnim nabavkama. Naime, ponuda ne sadrži g) *Obrazac – popis dostavljenih dokumenata - Prilog VII*, koji je propisan i zahtjevan tenderskom dokumentacijom.

Sa preostalih sedam ponuđača je zakazana e-aukcija za dan 21.07.2022. godine. Po završetku e-aukcije prvorangirana je ponuda ponuđača SANI – TOX d.o.o.

Komisija je u svom Zapisniku o pregledu i ocjeni ponuda, broj: 149-15-4-1485-13/22 od 21.07.2022. godine i Izvještaju o radu komisije sa Preporukom broj: 149-15-4-1485-14/22 od 21.07.2022. godine dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 dana od dana prijema ove odluke.



GUVERNER
dr. Senad Softić

Dostaviti:

- guverneru,
- viceguvernerima
- uredu glavnog internog revizora
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za zajedničke poslove
- Ponuđačima (original)
- u spis predmeta (original)
- arhiva